



Deddf Cymwysterau Cymru 2015

2015 dccc 5

RHAN 3

CYDNABOD CYRFF DYFARNU

Cydnabod cyrff dyfarnu

8 Cydnabod corff dyfarnu yn gyffredinol

- (1) Caiff corff dyfarnu wneud cais i Gymwysterau Cymru i gael ei gydnabod yn gyffredinol yn gorff sy'n dyfarnu cymwysterau yng Nghymru.
- (2) Caiff y corff dyfarnu bennu yn ei gais gymhwyster neu ddisgrifiad o gymhwyster nad yw'n dymuno cael ei gydnabod mewn cysylltiad â'i ddyfarnu.
- (3) Os yw'r corff yn bodloni'r meini prawf cydnabod cyffredinol a gyhoeddwyd yn fwyaf diweddar o dan adran 5, rhaid i Gymwysterau Cymru gydnabod y corff dyfarnu.
- (4) Os nad yw'r corff yn bodloni'r holl feini prawf hynny caiff Cymwysterau Cymru, er hynny, os yw o'r farn ei bod yn briodol gwneud hynny, gydnabod y corff.
- (5) Wrth benderfynu a yw'n briodol cydnabod corff o dan is-adran (4), rhaid i Gymwysterau Cymru roi sylw i—
 - (a) pa un a yw'r corff yn bodloni'r meini prawf cydnabod cyffredinol yn sylweddol,
 - (b) effaith ei fethiant i fodloni'r meini prawf hynny yn llawn, ac
 - (c) pa mor debygol ydyw o fodloni'r meini prawf yn llawn wedi hynny.
- (6) Pan fo cymhwyster neu ddisgrifiad o gymhwyster wedi ei bennu gan gorff dyfarnu yn unol ag is-adran (2), nid yw cyfeiriadau at y meini prawf cydnabod cyffredinol yn is-adrannau (3) i (5) i gael eu trin fel pe baent yn cynnwys y meini prawf hynny i'r graddau y maent yn gymwys mewn cysylltiad â dyfarnu'r cymhwyster neu'r disgrifiad o gymhwyster a bennir.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cymwysterau Cymru 2015, Croes Bennawd: Cydnabod cyrff dyfarnu. (See end of Document for details)

- (7) Pan fo corff dyfarnu wedi ei gydnabod o dan yr adran hon ac eithrio mewn cysylltiad â dyfarnu cymhwyster neu ddisgrifiad o gymhwyster a bennir ganddo yn unol ag is-adran (2), neu gymhwyster neu ddisgrifiad o gymhwyster y mae cydnabyddiaeth o dan yr adran hon wedi ei hildio neu wedi ei thynnu'n ôl mewn cysylltiad â'i ddyfarnu, caiff wneud cais i Gymwysterau Cymru i gael ei gydnabod mewn cysylltiad â dyfarnu'r gymhwyster neu'r disgrifiad o gymhwyster.
- (8) Mae is-adrannau (2) i (6) yn gymwys at ddibenion cais o dan is-adran (7) fel pe bai'n gais o dan is-adran (1).
- (9) Effaith cydnabod o dan yr adran hon yw bod y corff yn cael ei gydnabod mewn cysylltiad â dyfarnu cymwysterau yng Nghymru ac eithrio—
- y cymwysterau hynny y mae meini prawf cydnabod sy'n benodol i gymhwyster yn gymwys mewn cysylltiad â hwy,
 - unrhyw gymhwyster neu ddisgrifiad o gymhwyster a bennir yn unol ag is-adran (2), ac
 - unrhyw gymhwyster neu ddisgrifiad o gymhwyster y mae cydnabyddiaeth o dan yr adran hon wedi peidio â chael effaith mewn cysylltiad â'i ddyfarnu yn rhinwedd cael ei hildio neu ei thynnu'n ôl.

Gwybodaeth Cychwyn

- I1** A. 8 ddim mewn grym ar y Cydsyniad Brenhinol, gweler **a. 60(2)**
- I2** A. 8 mewn grym ar 21.9.2015 gan O.S. 2015/1687, **ergl. 2** (ynghyd ag **erglau. 3-12**)

9 Cydnabod corff dyfarnu mewn ffordd sy'n benodol i gymhwyster

- (1) Caiff corff dyfarnu wneud cais i Gymwysterau Cymru i gael ei gydnabod mewn cysylltiad â dyfarnu yng Nghymru gymhwyster neu ddisgrifiad o gymhwyster y gosodir meini prawf cydnabod sy'n benodol i gymhwyster mewn perthynas ag ef o dan adran 6.
- (2) Os yw'r corff yn bodloni'r ddau o'r canlynol—
- y meini prawf cydnabod cyffredinol a gyhoeddwyd yn fwyaf diweddar o dan adran 5, a
 - y meini prawf cydnabod sy'n benodol i gymhwyster sy'n berthnasol mewn cysylltiad â'r cymhwyster a'r corff o dan sylw,
- rhaid i Gymwysterau Cymru gydnabod y corff mewn cysylltiad â dyfarnu yng Nghymru y cymhwyster neu'r disgrifiad o gymhwyster o dan sylw.
- (3) Os nad yw'r corff yn bodloni'r holl feini prawf hynny caiff Gymwysterau Cymru, er hynny, os yw o'r farn ei bod yn briodol gwneud hynny, gydnabod y corff mewn cysylltiad â dyfarnu yng Nghymru y cymhwyster neu'r disgrifiad o gymhwyster o dan sylw.
- (4) Wrth benderfynu a yw'n briodol cydnabod corff o dan is-adran (3), rhaid i Gymwysterau Cymru roi sylw i—
- pa un a yw'r corff yn bodloni'n sylweddol y meini prawf y cyfeirir atynt yn is-adran (2),
 - effaith ei fethiant i fodloni'r meini prawf hynny yn llawn, ac
 - pa mor debygol ydyw o fodloni'r meini prawf hynny yn llawn wedi hynny.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cymwysterau Cymru 2015, Croes Bennawd: Cydnabod cyrff dyfarnu. (See end of Document for details)

- (5) Effaith cydnabyddiaeth o dan yr adran hon, cyhyd â bod y corff yn cael ei gydnabod o dan adran 8, yw ei fod yn cael ei gydnabod hefyd mewn cysylltiad â dyfarnu yng Nghymru y cymhwyster neu'r disgrifiad o gymhwyster a bennir yn y gydnabyddiaeth o dan yr adran hon.

Gwybodaeth Cychwyn

- I3** A. 9 ddim mewn grym ar y Cydsyniad Brenhinol, gweler **a. 60(2)**
I4 A. 9 mewn grym ar 21.9.2015 gan O.S. 2015/1687, **ergl. 2** (ynghyd ag **erglau. 3-12**)

10 Rheolau ynghylch ceisiadau am gydnabyddiaeth

- (1) Rhaid i Gymwysterau Cymru wneud rheolau ynghylch gwneud ceisiadau iddo o dan y Rhan hon.
- (2) Caiff y rheolau wneud darpariaeth wahanol at ddibenion gwahanol.
- (3) Cânt wneud darpariaeth ynghylch—
- ffurf a chynnwys ceisiadau;
 - y ffordd y mae ceisiadau i gael eu gwneud (gan gynnwys o ran unrhyw ffi sy'n daladwy mewn cysylltiad â chais).
- (4) Rhaid i Gymwysterau Cymru gyhoeddi'r rheolau a wneir o dan yr adran hon.

Gwybodaeth Cychwyn

- I5** A. 10 ddim mewn grym ar y Cydsyniad Brenhinol, gweler **a. 60(2)**
I6 A. 10 mewn grym ar 21.9.2015 gan O.S. 2015/1687, **ergl. 2** (ynghyd ag **erglau. 3-12**)

11 Darpariaeth bellach ynghylch cydnabyddiaeth

- (1) Os yw Cymwysterau Cymru yn gwrthod cais am gydnabyddiaeth a wneir o dan y Rhan hon, rhaid iddo roi datganiad i'r corff dyfarnu o dan sylw sy'n nodi ei resymau dros wrthod y cais.
- (2) Mae Atodlen 3 yn gwneud darpariaeth bellach ynghylch cydnabyddiaeth o dan y Rhan hon, gan gynnwys—
- cyfnod para'r gydnabyddiaeth;
 - yr amodau y mae'r gydnabyddiaeth i fod yn ddarostyngedig iddynt;
 - ildio cydnabyddiaeth a thynnu cydnabyddiaeth yn ôl.

Gwybodaeth Cychwyn

- I7** A. 11 ddim mewn grym ar y Cydsyniad Brenhinol, gweler **a. 60(2)**
I8 A. 11 mewn grym ar 21.9.2015 gan O.S. 2015/1687, **ergl. 2** (ynghyd ag **erglau. 3-12**)

12 Cydnabod: dehongli

- (1) At ddibenion y Ddeddf hon, cydnabyddir corff mewn cysylltiad â dyfarnu cymhwyster—

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y
Deddf Cymhwysterau Cymru 2015, Croes Bennawd: Cydnabod cyrff dyfarnu. (See end of Document for details)*

- (a) os na osodir unrhyw feini prawf o dan adran 6 mewn cysylltiad â'r cymhwyster, os cydnabyddir y corff o dan adran 8 (ar yr amod nad yw'r cymhwyster yn un a bennir, neu o ddisgrifiad a bennir, gan y corff o dan adran 8(2) ac nad yw'n un y mae cydnabyddiaeth o'r corff mewn cysylltiad ag ef wedi peidio â chael effaith fel y'i nodir ym mharagraff 1(2) o Atodlen 3);
 - (b) os gosodir meini prawf o dan adran 6 mewn cysylltiad â'r cymhwyster, neu gymwysterau o'r disgrifiad hwnnw, os yw'r corff—
 - (i) yn cael ei gydnabod o dan adran 8, a
 - (ii) yn cael ei gydnabod o dan adran 9 mewn cysylltiad â dyfarnu'r cymhwyster neu'r disgrifiad o gymhwyster o dan sylw.
- (2) Yn y Ddeddf hon—
- (a) mae cyfeiriadau at gydnabyddiaeth yn gyfeiriadau at gydnabyddiaeth o dan y Rhan hon;
 - (b) mae cyfeiriadau at gorff cydnabyddedig yn gyfeiriadau at gorff dyfarnu a gydnabyddir o dan y Rhan hon.
- (3) At ddibenion y Rhan hon, dyfarnu cymhwyster yng Nghymru yw ei ddyfarnu i bersonau a asesir mewn cysylltiad â'r cymhwyster yn gyfan gwbl neu'n bennaf yng Nghymru.

Gwybodaeth Cychwyn

I9 A. 12 ddim mewn grym ar y Cydsyniad Brenhinol, gweler **a. 60(2)**

I10 A. 12 mewn grym ar 21.9.2015 gan O.S. 2015/1687, **ergl. 2** (ynghyd ag **erglau. 3-12**)

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cymwysterau Cymru 2015, Croes Bennawd: Cydnabod cyrff dyfarnu.